

Up Visiet in Münster

Wi hebben maal weer in Münster west. Umdat wi de Stadt so gern lieden können, fahren wi daar in de Ferien faker maal hen. Neet so wied weg, een kummt daar gau hen un her.

Dat Hotel, in dat wi alltied övernachten, seggt uns ok helebest to. Daar sünd de Lüü so leev to uns Lüttjen, de Kamers sünd groot un mooi – un dat Fröhstück is en Sensation!

Denn besöken wi ok uns Frünnen, de in Münster wohnen. Ik frei mi alltied düchtig up en Weersehn mit hör. Dat giff denn vööl to vertellen un alltied wat Neeis to tolustern. Uns Frünnen hebben natüerlek ok de beste un neeiste Tipps för Etengahn, Inkoppen un Ankieken.

So hebben wi in besünners mooi Cafés seten, de dat daar bi Bülten geven deit. Een daarvan is in de 12. Stock van en Hooghuus. Van daar kann een över de hele Stadt kieken.

Wat en Beleevnis för de beid Lüttjen! Se hebben all Karktoorns, Koophusen un Hooghusen tellt. Ok in de Derenpark un dat Koophuus för de Lüttjen kunnen wi de Kinner so lopen laten. Se hebben Spaaß hatt! Bliedskupp was up hör Gesichten to sehn. Wat en Strahlen un



Antje Lübben gehört zum Team der Autoren, die die plattdeutsche Kolumne „Platt maakt“ schreiben.

KOLUMNE

Moin, Moin
Schrievers allerbest
Pläseer
Smüstern
Sprak moje
hoop
Vertellsel

Platt maakt

wat en Freid. Mit dat Weer hebben wi ok Glück hatt. Kien Drüpp Regen! Alltied kunnen wi buten wesen un de Stadt kommodig to Foot oflophen.

Of mi wat stöört hett an de Urlaub? Ja, een Saak. Man wiss blot de een. Nood

harr ik vör de Radfahrers in Münster. Klar is Münster as Radstadt bekennt. Daar dürt een sük neet över Fietesen wunnern. Man de sünd daar alltied so gau unnerwegens, dat se in de Ernstfall seker neet up Tied anholen können.

Bi Rood in dat Düüstern noch gau över de Ampel? Hebb ik daar in de paar Daag faken genoeg sehn. Zebrastrip? De is doch Deko! Mit dat Lastenrad un Kind vörn in de Back sünner to kieken so in de grote Krüzung of de Kreisel rinjagen? Kann een ja maken. Dat Kind was seker kien Wunskkind.

Siet en paar Jahr komen daar denn ja ok noch de Scooters bi. Överall in Münster stahn disse lüttje E-Scooters rum. Meesttieden liggen de sogaar rum, umdat de bi Wind un Weer umfallen.

Wat maal mooi docht was, word in Münster to en Plaaß. Kien Dörkomen mehr up de Footpaden, umdat daar överall Scooters wild un wöst ofstellt worden. Minsken mit Kinnerwagens, Rullators of Rullstohlen hebben daar denn dat Nasehn. För hör is kien Bott mehr up de Footpadd. Villicht kann een daar ja wat anners an maken?